

05.01.17  
Lindagoff JMKs 2/17

Na osnovu člana 35. Zakona o budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15 i 102/15), člana 19. stav 1. alineja 2. i 3. i člana 137. stav 2., 3. i 4. Statuta Općine Novo Sarajevo ("Službene novine Kantona Sarajevo", broj: 35/10), Općinsko vijeće Novo Sarajevo na 3. sjednici održanoj dana 29.12.2016.godine, donijelo je

**ODLUKU  
O PRIVREMENOM FINANSIRANJU POTREBA OPĆINE NOVO SARAJEVO  
ZA PERIOD JANUAR-MART 2017. GODINE**

**Član 1.**

Ovom Odlukom reguliše se privremeno finansiranje potreba Općine Novo Sarajevo do donošenja Budžeta za 2017.godinu, a najduže do 31.03.2017.godine.

**Član 2.**

Privremeno finansiranje Općine Novo Sarajevo za period iz člana 1. ove Odluke vrši se za finansiranje izdataka i projekata Općine, srazmjerno sredstvima utrošenim u istom periodu 2016. godine, a najviše do tromjesečnog prosjeka za 2016. godinu.

**Član 3.**

Planirani i započeti projekti u Budžetu Općine Novo Sarajevo za 2016. godinu, čija realizacija nije okončana do 31.12.2016. godine, a za koje su rezervisana sredstva u 2016. godini, mogu se realizirati u periodu privremenog finansiranja.

**Član 4.**

Ne mogu se započeti novi niti proširiti postojeći projekti i aktivnosti dok se ne donese Budžet za 2017. godinu.

**Član 5.**

Prihodi i primici, te izvršeni rashodi i izdaci ostvareni u periodu privremenog finansiranja uključuju se u Budžet za 2017. godinu.

**Član 6.**

Ova Odluka stupa na snagu osmog dana od dana objavljivanja u „Službenim novinama Kantona Sarajevo”, a primjenjuje se od 01.01. 2017. godine.



Broj: 01-14-4254/16  
Sarajevo, 29.12.2016. godine